

Na osnovu člana 36. Stav 1. Statuta Općine Stari Grad Sarajevo – Prečišćen tekst („Službene novine Kantona Sarajevo“, broj: 31/08) i te člana 6. Stav 2, a u vezi sa Anexom 1. Sporazuma između Općinskog vijeća, Općinskog načelnika i nevladinih/neprofitnih organizacija Općine Stari Grad Sarajevo od 28.02.2011. godine, Općinski načelnik Općine Stari Grad Sarajevo raspisuje

J A V N I O G L A S

za prijavu prijedloga projekata nevladinih i neprofitnih organizacija koji će se finansirati sredstvima iz Budžeta Općine Stari Grad Sarajevo u 2012. godini

A/. Pozivaju se nevladine i neprofitne organizacije koje djeluju na području Općine Stari Grad Sarajevo da podnesu prijedloge projekata koji će se finansirati i sufinansirati sredstvima iz Budžeta Općine Stari Grad Sarajevo u 2012. godini za slijedeće prioritetne oblasti djelovanja:

1. Socijalna zaštita i ljudska prava

- 1.1. Briga o osobama koje zbog fizičkog ili drugog hendikepa nisu u stanju same brinuti o sebi.
- 1.2. Mogućnosti aktiviteta osoba sa invaliditetom i promocija rezultata.

2. Kultura i umjetnost

- 2.1. Afirmacija tradicije i kulturne baštine naroda i nacionalnih manjina Bosne i Hercegovine.
- 2.2. Afirmacija muzičkih, likovnih, književnih i dramskih sadržaja i sl., posebno inovativni programi za mlade.

3. Turizam

- 3.1. Afirmacija i promocija turističkih destinacija na području Općine Stari Grad Sarajevo
- 3.2. Edukacija u oblasti zaštite kulturno-historijske baštine na području Općine Stari Grad Sarajevo

4. Obrazovanje

- 3.1. Neformalno obrazovanje, a posebno istraživanje o broju nepismenih i opismenjavanje istih.
- 3.2. Edukacija usmjerena na izgradnji povjerenja, sprječavanje sukoba, razvijanje tolerancije i poštovanja u multikulturnim društvima.

5. Biznis

- 5.1. Edukacija o biznisu i podrška zapošljavanju i samozapošljavanju, naročito teže uposlivih kategorija stanovništva.
- 5.2. Sezonski poslovi.

6. Zdravstvo- zaštita fizičkog i mentalnog zdravlja.

7. Mladi i volonterizam- uspostavljanje optimalnog lokalnog modela informisanja i aktiviteta mladih, mobilnost mladih, info tačka za mlade, mladi u akciji

8. Lokalna zajednica

- 8.1. Jačanje kapaciteta NVO sektora - edukacija predstavnika organizacija civilnog društva/NVO u oblastima:
 - obrazovanje, zapošljavanje, zdravstvo, socijalna zaštita.

9. Okoliš

- 9.1. Zaštita životne sredine, kultura življenja, naročito projekti za podizanje ekološke svijesti i dobre prakse lokalne zajednice.
- 9.2. Ekološko obrazovanje u obrazovnim institucijama

B/. Uslovi

Nevladine i neprofitne organizacije koje apliciraju s projektima moraju zadovoljiti slijedeće uslove:

1. da su osnovane i registrovane u BiH (dokaz – ovjerena kopija rješenje o registraciji);
 2. da su vođene od strane državljana BiH (dokaz – ovjerena kopija lične karte ovlaštene osobe);
 3. da svoje aktivnosti razvijaju na području Općine Stari Grad Sarajevo, što dokazuju izvještajem o realiziranim projektima za 2010. Godinu (ako na projekte apliciraju novoosnovane organizacije kao dokaz prilažu program rada za tekuću ili narednu godinu);
 4. da se projekti odnose na oblasti opisane pod A javnog oglasa i da su u skladu s misijom organizacije (dokaz – prijedlog projekta);
 5. da su projekti namijenjeni građanima Općine Stari Grad Sarajevo i da se aktivnosti iz projekta odvijaju na području iste općine, što se vidi iz projektnog prijedloga (dokaz – prijedlog projekta);
 6. da redovno izmiruju poreske obaveze (dokaz – original ili ovjerena kopija uvjerenja poreske uprave);
 7. da redovno izmiruju doprinose za zaposlene, ako ih ima (dokaz - original ili ovjerena kopija uvjerenja);
 8. završni finansijski izvještaja za 2010. godinu (dokaz – bilans stanja i bilans uspjeha),
- Od organizacija čiji projekti budu odobreni za finansiranje može se tražiti da dostave i drugu dokumentaciju.

C/. Kriteriji

Pored sadržaja koje mora zadovoljiti svaki projekat, i to: finansijski i operativni kapacitet, relevantnost, metodologiju, održivost i budžet i racionalnost troškova, posebno će se prilikom rangiranja prijedloga projekata cijeniti:

- da li projekat poboljšava kvalitet življenja građana kroz ostvarivanje ciljeva definisanih strateškim dokumentima općine,
- da li se projekat tiče što većeg broja građana i da li obuhvata što veću teritoriju općine,
- da li organizacije imaju adekvatne ljudske, finansijske i tehničke kapacitete za realizaciju predloženog projekta,
- da li organizacija ima potpisan Sporazum o saradnji sa Općinom Stari Grad Sarajevo.

D/. Finansiranje

Finansiranje i sufinansiranje projekata nevladinih i neprofitnih organizacija vršit će se sredstvima iz Budžeta Općine Stari Grad Sarajevo za 2012. godinu.

Dužina trajanja projekta za koji se traže sredstva je maksimalno u trajanju budžetske 2012. godine. Neće se finansirati aktivnosti odobrenog projekta koje su provedene prije zaključivanja ugovora.

D/. Dokumentacija za prijedlog projekta, aplikcioni obrazac i uputstvo za apliciranje mogu se preuzeti putem zvanične Web stranice općine: www.starigrad.ba, ili u kancelariji broj 117 – objekat A i 111 objekat B.

Rok za podnošenje dokumentacije je 30 dana od dana objavljivanja javnog oglasa u sredstvima informisanja. Dokumentacija se može dostaviti putem protokola Općine Stari Grad Sarajevo i isključivo putem aplikacionog obrasca.

Nepotpune i neblagovremene aplikacije neće se razmatrati.

E/. Vrednovanje projekata i donošenje odluke o odobravanju sredstava za finansiranje obaviti će se u skladu s Odlukom o okvirnim kriterijima za upotrebu sredstava tekućih grantova nevladinim i neprofitnim organizacijama iz Budžeta Općine Stari Grad Sarajevo („Službene novine Kantona Sarajevo“, broj: 8/10).

O rezultatima odlučivanja po podnesenim aplikacijama učesnici će biti obaviješteni pismenim putem, nakon čega će se zaključiti ugovori sa organizacijama čiji su projekti odobreni za finansiranje i sufinansiranje.

Kontakt osoba: Selma Velić i Sanin Hadžibajrić, telefon broj: 033 282 385 i 033 282 412; e-mail: selma.velic@starigrad.ba; soba 111 – objekat B.